

Visoki predstavnik pozvao na daljnja poboljšanja poslovnog okruženja u BiH

Promoviranje boljeg poslovnog okruženja u BiH – okruženja koje će malim i srednjim poduzećima omogućiti da se razviju i na taj način otvore nužno potrebna nova radna mjesta – mora biti strateški prioritet organa vlasti BiH, te će predstavljati i ključno pitanje na koje će se usredotočiti novi visoki predstavnik tokom svog mandata, izjavio je danas visoki predstavnik, Christian Schwarz-Schilling, nakon niza sastanaka održanih na temu ekonomije u BiH.

Visoki predstavnik je jutros razgovarao sa direktorima međunarodnih finansijskih institucija za BiH, stavljajući akcenat na to kako na najbolji način koordinirati aktivnosti međunarodnih finansijskih institucija u BiH, te se susreo sa direktorom Uprave za indirektno oporezivanje, Kemalom Čauševićem, koji ga je obavijestio o statusu implementacije PDV-a i o ukupnoj fiskalnoj situaciji u BiH.

«Dugoročno gledano, uspješna implementacija PDV-a pomoći će zaštititi poduzeća, uključujući mala i srednja proizvođača, od nepravedne konkurencije, tako što će uvesti više transparentnosti u poslovno okruženje,» konstatirao je visoki predstavnik na kraju svog sastanka sa gospodinom Čauševićem. Ali visoki predstavnik je dodao da organi vlasti BiH moraju iskoristiti priliku koju stvara uspješno provođenje PDV-a kako bi napravili druga strateška – i hitna – poboljšanja u poslovnom okruženju BiH kako bi se iskoristio potencijal poduzetničke energije koji postoji u ovoj zemlji ali koji je do sada bio sputan neefikasnom i često nepotrebnom birokratijom.